milia ducati in una camera l'ha fato far con lastre

Item, el Signor ha del Cayro et Egypto a l'anno ducati 200 milia, et di la Soria ducati 200 milia de intrada, che vien messi oltra la spesa nel casnà del Signor; el resto de l'intrada si spende de lì.

Item, el Signor ha facto far una galia in Constantinopoli per la sua persona; et di oro li è andà ducati 8000 et non è compida.

361\* Item, che Ebraim bassà ha tre lengue : greco, albanese et schiavon; porta assà anelli con zoie in dedo, et a la testa del suo cavallo porta zoie et cussì a la sella; si tien che 'l beva vin, et cussi fa il Signor, ma in ascoso.

Item, el Signor con quelli bassà teme molto del Sophi, il qual Sophi ha anni 12; el qual Sophi fè un zorno una sdraviza al dispetto di bechi fotui, et li fo dimandato quelo voleva dir queste parole. Rispose: « Mi et vui tutti semo bechi, turchi ne ha fotuo nostre mare, fie et moier; bisogna si vendichemo a far questo medemo a le soe di turchi.

Item, el Signor, quando el dorme, ha quatro che li sta con candeloti in man atorno il letto a farli la guardia impiadi, et Imbraim dorme in uno altro leto testa con testa con il Signor.

Item, al Signor li fo donà per uno sanzacho do donzelle di Rossia belissime; una a la madre di esso Signor et l'altra a lui. Et zonte in Seraio, la seconda moier qual tien al presente have grandissimo dolor, et si butò col viso in terra pianzendo, ita che la madre, la qual havia donà la soa al Signor, si acorse e ge la retolse et la mandò a uno sanzacho per moglie, et il Signor convene etiam lui mandar la sua a uno altro sanzacho, perchè soa moier saria morta da dolor si queste donzele, o pur una di quele fosse restà nel Seraio.

Item, disse che 'l Signor, partito per l'impresa di Hongaria la soa Porta, non faria più di mia 10 al zorno.

Fu posto, per li Savii del Conseio et di Terra 362 ferma, atento el fazi haver in campagna fanti 10 milia, et acciò le terre nostre non stiano senza custodia, da mo' fu preso che 'l Colegio nostro habbi libertà di far fin 1500 fanti come li parerà, da esser posti ne le terre etc. Item, sia preso che li danari si trarà de li tre Procuratori saranno electi, tutti intacti siano mandati in campo. Ave: 202 di si, 7 di no.

Et sopravene una lettera di Austria, di sier Carlo Contarini orator nostro, data a Spira

a di 26 Mazo, portata per messo a posta, la qual è più vechia di le altre, però che si ha auto di 28 et 30 : et fo lecta. Scrive, come a di 21 el scrisse di la motion di vilani, et questi spazono in Italia et tolseno sue lettere, unde ha convennto di expedir uno suo a posta. Scrive esser venuto nova, come in Salzpurch (sono) intrati 3000 fanti con 300 cavalli quali fevano molti danni in la terra, unde queli cittadini et populo si acordorono con vilani et li introduseno dentro la cità et tagliorono queste zente a pezi, et par siano stà brusà alcune ville di vilani, per il che, essendo il marchexe Caximiro di Brandiburg, par che 'l ditto prepari zente per aiutar ditti vilani. La liga di Svevia con le sue zente va contra li nobeli, et questo Serenissimo li ha mandato domino Zorzi Frangsper con . . . . contra ditti vilani. Scrive, di qui ancora non è zonto alcun per venir a la dieta. Si dice il ducha di Savoia et lantgravio di Haxia sono in camino per venir. Sono venute lettere di Hongaria a questo Serenissimo. come certissimo il Signor turco vien contra quel regno per do vie; per una il Signor in persona, per l'altra il bassà Abraim ch' è per la Transilvania via; et che in la dieta fanno in Hongaria, ancora è stà parlato di far provision alcuna a defension del regno; solum hanno privato il Conte Palatin novo et reso l'officio predito al Conte Palatin qual era prima, et fu desmesso. Scrive poi si provedi di danari per il suo viver; è do mexi non ha potuto haver de li danari si non con gran bota; pertanto si provedi, etiam si voglii far che una volta el possi venir a repatriar.

Noto. Questa matina, fo ditto per la terra che 362\* spagnoli havevano messo a sacho Sonzino, et fo per lettere di sier Gregorio Pizamano castelan di Brexa, di 7; tamen non fu vero. Scrive etiam, come il Proveditor zeneral havia spazà Sebastian Vituri di sier Alvise con fanti 100 per Anfo, et Zerpelon con altri fanti 100 a Pontevigo.

A dì 10 Domenega. La matina se intese 4 soli si fanno tuor Procuratori; li quali procuravano tre di loro questi zorni, et hozi sier Zuan Bragadin, sì che si haverà assà danari.

De le poste, vene lettere di Brexa, del proveditor zeneral Pexaro, di . . . . , hore . . . . . Et di Crema et Bergamo. El sumario è questo:

Da Crema, del Podestà et capitanio, di 7. hore 2. Come era zonto uno da Milan con letere di l'amico, drizate a l'orator Taverna, qual sono del patron, di grandissima importantia. Et li scrive che zerca Benedeto Salerni imputato per quel homicidio